

# SI JESU-CRISTO LAMANG ANG NAGALUWAS

Kag magabata sia sing lalaki, kag pagahingalanan mo sia nga Jesus, kay luwason niya ang iya katawhan sa ila mga sala. Mateo 1:21

Kay ginhigugma gid sang Dios ang kalibutan sa bagay nga ginhatag niya ang iya bugtong nga Anak, agod ang bisan sin-o nga magtuo sa iya indi mawala kundi may kabuhi nga wala sing katapusan. Juan 3:16

Si Jesus nagsiling sa iya, Ako amo ang dalan, ang kamatuoran, kag ang kabuhi. Wala sing tawo nga makapalapit sa Amay kon indi paagi sa akon. Juan 14:6

Kag wala sing iban nga ngalan sa idalum sang langit nga ginhatag sa mga tawo, nga paagi sini maluwas kita. Binuhatan 4:12

Kay gintudlo ko sa inyo una sa tanan ang akon nabaton man: nga si Cristo napatay tungod sa aton mga sala, suno sa Kasulatan; kag nga ginlubong sia, kag nga nabanhaw sia sa ikatlo nga adlaw suno sa mga kasulatan: 1 Corinto 15:3-4

Paagi sa iya dugo gintubos kita, kag ginpatawad ang aton mga sala, suno sa bugana sang iya grasya. Efeso 1:7



And the gospel must first be published  
among all nations. MARK 13:10



May apat ka kamatuoran nga dapat naton hangpon sing bug-os:

1. Palangga ka gid sang Dios.

Gusto Niya nga makaangkon ka sang kabuhi nga wala sing katapusan sa langit upod sa Iya.

Kay ginhigugma gid sang Dios ang kalibutan sa bagay nga ginhatag niya ang iya bugtong nga Anak, agod ang bisan sin-o nga magtuo sa iya indi mawala kundi may kabuhi nga wala sing katapusan. Juan 3:16  
Luyag Niya nga makatigayon ka sing bugana kag makahulugan nga kabuhi upod sa Iya.

Ang makawat nagakari kundi sa pagpangawat, sa pagpatay, kag sa paglaglag. Nagkari ako agod maangkon nila ang kabuhi, kag agod matigayon nila ini sing bugana. Juan 10:10

Sa pihak sini, madamo nga mga tawo ang wala maka-eksperyensya sang makahulugan nga kabuhi kag indi sigurado kon may yara sila sang kabuhi nga wala sing katapusan bangud...

2. Ang tawo makasasala sa kinaugali. Amo ina nga nahamulag sia sa Dios.

Ang tanan nakasala.

Kay ang tanan nakasala, kag wala makalab-ot sa himaya sang dios;  
Roma 3:23

Kay ang gugma sa kuwarta amo ang gamot sang tanan nga kalautan...  
1 Timoteo 6:10

Ang bayad sang sala amo ang kamatayon.

Kay ang bayad sang sala amo ang kamatayon... Roma 6:23

Ang Biblia nagapat-od sang duha ka sahi sang kamatayon:

- Pisikal nga kamatayon

Kag subong nga gintalana sa mga tawo nga mapatay sing makaisa lang, kag sa tapos sini ang paghukom: Hebreo 9:27

- Espirituhanon nga kamatayon ukon walay katapusan nga pagbulag sa Dios sa impierno

Apang ang mga mahinadlukon, kag mga di-matinuohon, kag makangilil-ad, kag mga manugpatay, kag mga makihilawason, kag mga madyikero, kag mga nagasimba sa mga dios-dios, kag ang tanan nga mga butigon, magadala sang ila bahin sa linaw nga nagadabdab sang kalayo kag asupre: nga amo ang ikaduha nga kamatayon. Bugna 21:8



Kon ang tawo nahamulag sa Dios tungod sang iya sala, ano ang solusyon sa sini nga problema? Masami naton ginahunahuna nga ang mga solusyon amo ang: relihiyon, maayo nga mga buhat, kag maayo nga pamatasan. Pero isa lang ang solusyon halin sa Dios.

3. Si Jesukristo amo lamang ang dalan pakadto sa langit. Amo ini ang deklarasyon sang Dios.

Si Jesus nagsiling sa iya, Ako amo ang dalan, ang kamatuoran, kag ang kabuhi. Wala sing may makapalapit sa Dios nga Amay kon indi paagi sa akon. Juan 14:6

Ginbayaran niya ang bug-os nga silot para sa aton mga sala. Kay si Cristo man napatay sing makaisa lang tungod sa mga sala, ang matarong tungod sa mga di-matarong, agod nga madala niya kita sa Dios.

Paagi sa iya dugo gintubos kita, kag ginpatawad ang aton mga sala, suno sa bugana sang iya grasya. Efeso 1:7

Yara sa iya ang saad sang kabuhi nga walay katapusan.

Ang nagatuo sa Anak may kabuhi nga walay katapusan. Kag sia nga wala nagatuo sa iya anak indi makakita sang kabuhi;

apang ang kasingkal sang Dios nagapabilin sa iya. Juan 3:36

Kay ang bayad sang sala amo ang kamatayon; apang ang dulot sang Dios amo ang kabuhi nga wala sing katapusan paagi kay Jesu-Cristo nga aton Ginoo. Roma 6:23

4. Kinahanglan naton magtuo kay Jesucristo agud maluwas.

Ang aton kaluwasan tungod sang grasya sang Dios paagi sa pagtuo kay Jesu-Cristo.

Kay paagi sa grasya sang Dios naluwas kamo paagi sa inyo pagtuo; kag ini indi gikan sa inyo kaugalingon: ini dulot sang Dios: indi gikan sa mga binuhatan, agod nga wala sing bisan sin-o nga magpabugal. Efeso 2:8-9

Kay ang bisan sin-o nga magtawag sa ngalan sang Ginoo maluwas. Roma 10:13



Pangamuyo sang Makasasala

Ipangamuyo ini nga may pagtuo:

Ginoong Jesus, madamo gid nga salamat sa paghigugma mo sa akon. Ginaako ko nga makasasala ako kag nagapangayo ako sang imo kapatawaran. Salamat sa imo kamatayon sa krus, paglubong, kag pagkabanhaw sa pagbayad sang tanan ko nga mga sala. Nagasalig ako sa imo bilang akon Ginuo kag Manluluwas. Ginabaton ko ang imo regalo nga kabuhi nga wala sing katapusan kag ginatugyan ko ang akon kabuhi sa imo. Buligi ako sa pagtuman sang tanan mo nga mga sugo kag mangin kalahamut-an sa imo panulok. Amen.

Kon nagsalig ka kay Jesu-Cristo, ang masunod amo ang natabo sa imo:

- Karon, may kabuhi ka nga wala sing katapusan upod sa Dios.

Kag amo ini ang kabubut-on sang nagpadala sa akon: nga ang tagsatagsa nga makakita sa Anak kag magtuo sa iya makaangkon sang kabuhi nga wala sing katapusan, kag banhawon ko sia sa katapusan nga adlaw. Juan 6:40

- Ang tanan mo nga mga sala ginbayaran na kag ginpatawad. (nagliligad, karon, palaabuton)

Pero si Cristo nagdulot sing isa lang ka halad para sa mga sala kag naglingkod sa tuo sang Dios; Hebreo 10:12

- Bag-o ka nga tinuga sa panulok sang Dios. Ini ang pagsugod sang imo bag-o nga kabuhi.

Gani kon ang bisan sin-o nga tawo yara kay Cristo, bag-o na sia nga tinuga. yari karon, ang tanan nga mga butang nangin bag-o. 2

Corinto 5:17

- Nangin anak ka sang Dios.

Pero ang tanan nga nagbaton sa iya ginhatagan niya sing kinamatarong nga mangin anak sang Dios, ang mga nagatuo sa iya ngalan: Juan 1:12

Ang maayo nga mga binuhatan indi isa ka paagi agud kita maluwas, kundi isa ka pamatuod ukon bunga sang aton kaluwasan.

Kay kita mga binuhatan sang Dios, kag gintuga kita paagi kay Cristo Jesus sa paghimo sang maayo nga mga buhat, nga ginhanda na sang Dios agod magpadayon kita sa sini. Efeso 2:10